



# INFO@KPKM

CUKUP DAN TERJAMIN

## TOWN HALL EKONOMI MADANI: SEKURITI MAKANAN DAN PERANAN USAHAWAN DALAM MENDOKONG KETERJAMINAN MAKANAN NEGARA

DATARAN SEJARAH AYER KEROH, MELAKA | 3 SEPTEMBER

Program Jualan Agro MADANI merupakan salah satu inisiatif yang diambil oleh Kerajaan bagi membantu rakyat terutama di kawasan berkepadatan penduduk yang tinggi.

Kementerian Pertanian dan Keterjaminan Makanan (KPKM) melalui Lembaga Pemasaran Pertanian Persekutuan (FAMA), Lembaga Pertubuhan Peladang (LPP) dan Lembaga Kemajuan Ikan Malaysia (LKIM) telah menjenamakan semula Jualan Terus Dari Ladang (JTDL) kepada Jualan Agro MADANI.

Program Jualan Agro MADANI ini akan diperluaskan pelaksanaannya dengan sasaran sebanyak 5,000 sesi jualan berakhir Disember 2023 dan sasaran nilai jualan RM 39 juta serta dijangka akan memberi manfaat kepada 6.4 juta isi rumah dengan nilai penjimatan dianggarkan RM11.5 juta.

Sehingga 20 Ogos 2023, sebanyak 1,308 jumlah program telah dilaksanakan di kementerian/agensi kerajaan di seluruh negara dengan nilai jualan sebanyak RM28.3 juta dan penjimatan sebanyak RM8.49 juta.

Jumlah usahawan yang telah menyertai Program Jualan Agro MADANI adalah seramai 20,590 orang usahawan dengan jumlah 654,000 orang pengunjung.

Melalui Jualan Agro MADANI, komoditi jualan diperluas meliputi produk segar dan barang kawalan dengan penjimatan sebanyak 10 hingga 30 peratus lebih rendah berbanding harga pasaran setempat bagi komoditi terpilih.

Karnival Jualan Mega Agro MADANI pada 30 Ogos hingga 3 September 2023 memberi manfaat kepada usahawan dan pengunjung meningkatkan pendapatan menerusi konsep jualan terus tanpa melibatkan orang tengah atau pemborong dan mampu menawarkan harga lebih rendah kepada pengunjung.

Antara tarikan utama karnival ini adalah jualan produk agro makanan seperti 3,000 ekor ayam, 10,000 papan telur ayam, 3,000 set Kombo MADANI dan 2,000 pek Q-Fish.

Selain itu, terdapat juga aktiviti lain yang telah disusun bagi menepati setiap lapisan umur pengunjung yang akan hadir seperti Forum Perdana Edisi Merdeka, Kaunter Khidmat Pelanggan Jabatan dan Agensi Kerajaan serta Petting Zoo.

Pelaksanaan program Jualan Agro MADANI akan diperluas selaras hasrat Kerajaan Perpaduan yang tekad dan meletakkan komitmen yang tinggi dalam membantu rakyat menangani kos sara hidup yang semakin meningkat.



## MAJLIS APRESIASI PERSIJILAN AMALAN PERTANIAN BAIK MALAYSIA TAHUN 2022

MARDHIYYAH HOTEL & SUITES, SHAH ALAM | 4 SEPTEMBER

Seramai 2,718 orang wira agro telah diraikan dalam Majlis Apresiasi Pensijilan myGAP dan myOrganic Subsektor Tanaman bagi tahun 2022 yang dianjurkan oleh Jabatan Pertanian di Mardhiyyah Hotel & Suites, Shah Alam, Selangor.

Majlis ini diadakan untuk meraikan wira agro yang menerima pensijilan myGAP dan myOrganic selain memberi penghargaan kepada Agen Pengembangan Tanaman (APT) serta Jabatan Pertanian Negeri yang mencapai pensijilan Amalan Pertanian Baik tertinggi, ladang myGAP dan myOrganic paling konsisten bagi tahun 2022.

Menurut YB Datuk Seri Mohamad bin Sabu, Menteri Pertanian dan Keterjaminan Makanan (KPKM), pensijilan amalan pertanian baik myGAP dan myOrganic telah dijadikan sebagai Petunjuk Prestasi Utama (KPI) kepada pelaksanaan Dasar Agromakanan Negara 2021-2030 (DAN 2.0) melalui strategi Menambah Baik Keselamatan dan Nutrisi Makanan Rakyat.

Sektor agromakanan perlu menerapkan amalan secara mampan bagi memelihara keseimbangan antara alam sekitar dan ekosistem bagi memastikan pertumbuhan industri tidak mengakibatkan pencemaran dan kerosakan alam sekitar dan sekaligus dapat memenuhi permintaan makanan yang semakin meningkat.

Sejak tahun 2003 sehingga 2022, sebanyak 11,832 ladang di bawah subsektor tanaman telah menerima pensijilan myGAP dan 326 ladang telah menerima pensijilan myOrganic.

Bagi menghargai usaha tersebut, kerajaan melalui Belanjawan 2023, telah menyediakan insentif khusus berjumlah RM1.6 juta kepada wira agro bagi menggalakkan para petani mendapatkan pensijilan myGAP (*pesticide free*) yang tidak menggunakan racun perosak sintetik

Jabatan Pertanian sentiasa memberikan fokus kepada kemampanan sektor agromakanan negara dengan memberi tumpuan kepada penandaaran amalan pertanian melalui pensijilan myGAP dan myOrganic yang telah dijadikan objektif kualiti dalam pelaksanaan MS ISO 9001:2015 Perkhidmatan Pengembangan Pertanian.

Bagi memastikan semua aktiviti pertanian yang dilaksanakan di negara ini mematuhi amalan pertanian baik, pensijilan myGAP telah diperluaskan skopnya bukan hanya kepada tanaman makanan, tetapi juga kepada pemeliharaan lebah dan kelulut (myGAP.AM), myGAP Tanaman Bukan Makanan (myGAP.TBM)

Pengenalan kepada skop terbaharu iaitu myGAP Pesticide Free (myGAP.PF) yang memberi tumpuan kepada amalan pertanian tanpa penggunaan racun perosak sintetik.

Dalam majlis tersebut, Jabatan Pertanian Negeri Terengganu telah diumumkan sebagai pemenang bagi Kategori Negeri yang Mencapai Bilangan Pensijilan myGAP dan myOrganic Tertinggi dengan jumlah 566 pensijilan.

Anugerah Pensijilan Tertinggi Kategori Agen Pengembangan Tanaman (APT) dimenangi oleh Clarence Sakai Ganang dari Jabatan Pertanian Negeri Sarawak dengan jumlah 43 pensijilan.

Seminar Amalan Pertanian Baik myGAP (Pesticide Free) turut diadakan pada sebelah petang bagi memberi pendedahan tentang Kesan Penggunaan Racun Perosak Sintetik Terhadap Kesihatan Petani dan Pengguna disamping memperkenalkan pensijilan myGAP (Pesticide Free) kepada para peserta.

# SESI DIALOG BELANJAWAN 2024 BAGI SEKTOR PADI DAN BERAS

SERDANG, SELANGOR | 7 SEPTEMBER

YB Datuk Seri Mohamad bin Sabu, Menteri Pertanian dan Keterjaminan Makanan (KPKM) telah menghadiri program Sesi Dialog Belanjawan 2024 bagi sektor padi dan beras bersama pemain industri dan pihak berkepentingan di MARDI, Serdang.



# KUNJUNGAN HORMAT OLEH DUTA BESAR QATAR DI MALAYSIA KE ATAS YB MENTERI KPKM

MENARA LPP, KUALA LUMPUR | 13 SEPTEMBER

YB Datuk Seri Mohamad bin Sabu, Menteri Pertanian dan Keterjaminan Makanan (KPKM) telah menerima kunjungan hormat daripada TYT Salah bin Mohammed Al Sorour, Duta Besar Qatar di Malaysia pada 13 September 2023 di Menara Lembaga Pertubuhan Peladang (LPP), Kuala Lumpur.

Bagi tahun 2022, nilai dagangan pertanian antara Malaysia dan Qatar telah mencatatkan peningkatan sebanyak 46.9% iaitu RM467.8 juta berbanding RM318.45 juta pada tahun 2021.

Ini menunjukkan potensi perdagangan pertanian yang tinggi antara kedua-dua negara.

Qatar turut menyatakan hasrat untuk menambah pelaburan dalam bidang pertanian di Malaysia selain mempelawa industri pertanian Malaysia untuk menyertai peluang perdagangan di zon bebas Qatar.

Pertemuan ini merupakan pertemuan kali pertama antara Menteri Pertanian dan Keterjaminan Makanan dan Duta Besar Qatar di Malaysia yang bertujuan membincangkan cadangan kerjasama dua hala dalam bidang pertanian antara kedua-dua negara.

Kedua-dua negara turut bersedia untuk memperkukuh perdagangan dua hala dalam bidang pertanian selaras dengan keperluan bagi menjamin sumber makanan yang mampan dan berterusan.



# PAVILLION MALAYSIA DI CHINA ASEAN EXPO 2023 (AEXPO) 2023



# PAVILLION KPKM @ MIHAS 2023

MITEC, KUALA LUMPUR | 12 SEPTEMBER

YB Datuk Seri Haji Mohammad bin Sabu, Menteri Pertanian dan Keterjaminan Makanan telah merasmikan Pavillion KPKM @ MIHAS 2023 pada 12 hingga 15 September 2023 di MITEC, Kuala Lumpur.

MIHAS merupakan pameran terbesar di dunia untuk sektor halal dan menjadi acara tahunan untuk perniagaan tempatan dan antarabangsa.

Program ini berkembang maju dalam sektor perdagangan halal dan menyumbang secara tidak langsung khususnya kepada ekonomi Halal global.

Program ini dapat memberi peluang kepada pemain industri halal untuk mempamerkan produk, melancarkan produk halal baharu dan meningkatkan keberadaan jenama halal kepada industri.

Hal ini dapat membantu meluaskan lagi pasaran produk-produk keluaran industri agromakanan dan produk segar tempatan ke pasaran dalam dan luar negara.

26 orang usahawan telah menyertai Program MIHAS pada tahun ini dengan sasaran nilai jualan sebanyak RM 50 juta.



# MALAYSIA INTERNATIONAL AGRICULTURE TECHNOLOGY EXHIBITION 2023

SHAH ALAM, SELANGOR | 21 SEPTEMBER

Majlis perasmian Malaysia International Agriculture Technology Exhibition 2023 telah disempurnakan oleh YB Datuk Seri Mohammad bin Sabu, Menteri Pertanian dan Keterjaminan Makanan di Setia City Convention Centre, Shah Alam, Selangor.

Penganjuran pameran teknologi yang berkaitan pertanian ini dapat membantu meningkatkan produktiviti dan hasil pertanian serta membuka peluang pekerjaan baharu kepada rakyat dan membantu meningkatkan Keluaran Dalam Negeri Kasar (KDNK) negara.

Transformasi pertanian perlu dilakukan dengan meningkatkan penggunaan teknologi moden serta amalan pertanian lestari supaya sekuriti makanan negara terjamin.



# JUALAN AGRO MADANI



# KUNJUNGAN HORMAT OLEH MENTERI PERTANIAN DAN MAKANAN REPUBLIK TATARSTAN, PERSEKUTUAN RUSIA KE ATAS YB MENTERI KPKM

MENARA LPP, KUALA LUMPUR | 21 SEPTEMBER

YB Datuk Seri Mohamad bin Sabu, Menteri Pertanian dan Keterjaminan Makanan telah menerima kunjungan hormat daripada TYT Marat Zyabbarov, Menteri Pertanian dan Makanan Republik Tatarstan, Persekutuan Rusia pada 21 September 2023 di Menara Lembaga Pertubuhan Peladang (LPP), Kuala Lumpur.

Pertemuan ini adalah pertemuan kedua antara kedua-dua Menteri.

Pertemuan kali pertama telah diadakan semasa lawatan kerja oleh Menteri Pertanian dan Keterjaminan Makanan ke Persekutuan Rusia bagi menyertai The 14th International Economic Forum "Russia – Islamic World: KazanForum" 2023.

Pertemuan timbal balas ini bertujuan untuk membincangkan dengan lebih lanjut cadangan kerjasama dua hala dalam bidang pertanian antara Malaysia dan Persekutuan Rusia khususnya Republik Tatarstan.

Kedua-dua negara turut bersedia untuk memperkukuh perdagangan dua hala dalam bidang pertanian selaras dengan keperluan bagi menjamin sumber makanan yang mampan dan berterusan.

Bagi tahun 2022, nilai dagangan pertanian antara Malaysia dan Persekutuan Rusia telah mencatatkan penurunan sebanyak 1.83% iaitu RM1.61 bilion berbanding RM1.64 bilion pada tahun 2021.

Kedua-dua negara turut bersedia untuk memperkukuh perdagangan dua hala dalam bidang pertanian selaras dengan keperluan bagi menjamin sumber makanan yang mampan dan berterusan.

Bagi tahun 2022, nilai dagangan pertanian antara Malaysia dan Persekutuan Rusia telah mencatatkan penurunan sebanyak 1.83% iaitu RM1.61 bilion berbanding RM1.64 bilion pada tahun 2021.

Meskipun terdapat sedikit penurunan, kedua-dua negara yakin terdapat potensi meningkatkan nilai perdagangan dan kekal positif pada masa hadapan.

Pada pertemuan ini, Malaysia telah dipelawa untuk menyertai KazanForum 2024 yang dijangka akan diadakan pada bulan Mei 2024 bertempat di Kazan, Republik Tatarstan, Persekutuan Rusia.

Malaysia turut mempelawa Persekutuan Rusia khususnya Republik Tatarstan ke Pameran Pertanian, Hortikultur dan Agro Pelancongan Malaysia (MAHA) yang juga akan diadakan pada tahun 2024.

Selain itu, Malaysia turut mempelawa Rusia khususnya Republik Tatarstan untuk melabur dalam sektor pertanian negara dan mengadakan kerjasama teknikal bagi memajukan sektor pertanian kedua-dua negara.



## PERSIDANGAN MANCO KE-25

WISMA TANI, PUTRAJAYA | 26 SEPTEMBER

YB Datuk Seri Haji Mohamad bin Sabu, Menteri Pertanian dan Keterjaminan Makanan telah merasmikan Persidangan Tahunan ke-25 Persatuan Kebangsaan bagi Pengairan dan Saliran (MANCO) pada 25 hingga 27 September 2023 di Wisma Tani, Putrajaya yang membawa tema Sustainable Food and Water Security Through Better Irrigation Technologies and Practices.

Persidangan ini melibatkan seramai 200 orang peserta daripada pelbagai latar belakang termasuk jurutera awam, jurutera pertanian, perunding, penyelidik dan bidang lain berkaitan pertanian dan pengairan.

Sesi pembentangan melibatkan tujuh (7) orang pembentang kertas kerja dari dalam dan luar negara termasuk Taiwan, Indonesia dan Filipina.

Persidangan MANCO ke-25 dilihat sangat relevan kepada sektor agromakanan negara selaras dengan perancangan dan hala tuju KPKM dengan kemajuan sistem berteknologi tinggi.

Selain itu, ia juga merupakan platform kepada para profesional dan pemain industri untuk menghasilkan idea yang dapat menyumbang kepada peningkatan hasil pengeluaran pertanian dan menjamin nutrisi keselamatan makanan negara.

## HARI INOVASI JABATAN PERTANIAN 2023

DEWAN BESAR UPM, SERDANG | 7 SEPTEMBER

Majlis Perasmian Hari Inovasi Jabatan Pertanian 2023 telah dirasmikan oleh YBhg. Datuk Lokman Hakim bin Ali, Ketua Setiausaha KPKM pada 7 September 2023 di Universiti Putra Malaysia, Serdang.

Bertemakan "Inovasi Pertanian ke Arah Keterjaminan Makanan" majlis ini memberi pengiktirafan dan penghargaan kepada mereka yang berjaya menghasilkan inovasi yang signifikan.

Selain itu, memberi impak yang besar kepada sektor agromakanan negara melalui pembaharuan dan penambahbaikan produk atau perkhidmatan yang lebih baik melalui cetusan idea-idea yang kreatif dan inovatif.



## MAJLIS PERASMIAN JOM KENALI IAS

TAMAN BOTANI, SHAH ALAM | 9 SEPTEMBER

Majlis Perasmian Jom Kenali Spesies Asing Invasif (IAS) telah disempurnakan oleh YBhg. Datuk Azah Hanim binti Ahmad, Timbalan Ketua Setiausaha (Dasar), KPKM pada 9 September 2023 di Taman Botani Negara Shah Alam, Selangor.

Program Kesedaran Awam: Jom Kenali IAS ini merupakan program yang julung kali diadakan dengan tema "Lindungi Biodiversiti Kita".

Objektif utama program ini adalah untuk mendedahkan dan meningkatkan kesedaran masyarakat terhadap IAS yang memberi ancaman kepada khazanah negara seperti ekosistem, ekonomi dan kesihatan.



# SESI LIBAT URUS KPKM BERSAMA PEMAIN INDUSTRI BERAS NEGARA

WISMA TANI, PUTRAJAYA | 13 SEPTEMBER

Sesi libat urus Kementerian Pertanian dan Keterjaminan Makanan (KPKM) bersama pemain industri beras negara telah diadakan pada 13 September 2023 di Wisma Tani, Putrajaya, bagi membincangkan secara terperinci berkenaan bekalan Beras Putih Tempatan (BPT) dan kenaikan harga Beras Putih Import (BPI).

Sesi libat urus ini telah dipengerusikan oleh YBhg. Datuk Lokman Hakim bin Ali, Ketua Setiausaha, KPKM dan turut melibatkan Kementerian Perdagangan Dalam Negeri dan Kos Sara Hidup (KPDN), Lembaga Pemasaran Pertanian Persekutuan (FAMA), Lembaga Pertubuhan Peladang (LPP) dan Padiberas Nasional Berhad (BERNAS) bersama-sama lima (5) pemborong beras utama serta 11 pasar raya bertaraf *hypermarket* yang mempunyai rangkaian di seluruh negara.

Hasil daripada sesi libat urus ini, pihak pengilang, pemborong dan peruncit bersetuju memberikan komitmen bagi merealisasikan pelaksanaan Program Khas Beras Putih Tempatan (PKBPT) di seluruh negara.

PKBPT sedang dilaksanakan oleh KPKM melalui dua (2) fasa bermula pada 8 September 2023 dan 15 September 2023.

Melalui PKBPT, pengilang akan meningkatkan pengeluaran sebanyak 20 peratus bekalan BPT (23,000 mt sebulan) untuk pasaran dalam negara bagi tempoh satu (1) tahun.

Langkah intervensi ini bertujuan bagi memastikan bekalan BPT dapat memenuhi keperluan pengguna dan menjamin kestabilan bekalan BPT di pasaran.

Program ini turut mendapat kerjasama daripada pihak FAMA dan LPP bagi tujuan pengedaran BPT kepada kumpulan pasar terutama di kawasan yang tidak mempunyai kemudahan pasar raya.

Pemantauan dan penguatkuasaan keseluruhan rantaian PKBPT ini akan dilakukan oleh pihak KPKM melalui Kawalselia Padi dan Beras (KPB) dengan kolaborasi strategik OP JAMIN bersama Bahagian Penguatkuasa, KPDN.



# SESI LIBAT URUS KSU KPKM BERSAMA PERSATUAN-PERSATUAN PENIAGA

BDC WISMA TANI, PUTRAJAYA | 15 SEPTEMBER

Sesi libat urus YBhg. Datuk Lokman Hakim bin Ali, Ketua Setiausaha KPKM bersama persatuan-persatuan peniaga telah diadakan pada 15 September 2023 di Wisma Tani, Putrajaya.

Perbincangan menjurus kepada mencari kaedah terbaik untuk membantu setiap ahli persatuan mendapatkan bekalan beras import pada harga borong.

Selain itu, ahli persatuan juga diberikan penerangan berkaitan situasi semasa stok bekalan beras negara dan situasi harga beras semasa dunia.



# PROGRAM KHAS BERAS PUTIH TEMPATAN

15 SEPTEMBER 2023

**PROGRAM KHAS BERAS PUTIH TEMPATAN (BPT)**  
Edaran BPT ke Lotus (Tanjung, Kulim, E-Gate, Bertam, Seberang Jaya, Bukit Mertajam, Sg. Dua dan Bagan Ajam)

Lotus's Tanjung  
Lotus's Kulim  
Lotus's Bertam  
Lotus's Seberang Jaya  
Lotus's BKT Mertajam  
Lotus's Sg. Dua  
Lotus's Bagan Ajam

MALAYSIA MADANI  
www.kpkmm.gov.my @kpkmmalaysia

18 SEPTEMBER 2023

**PROGRAM KHAS BERAS PUTIH TEMPATAN (BPT)**  
Pengedaran BPT di Pasaraya sekitar negeri Johor

MALAYSIA MADANI  
www.kpkmm.gov.my @kpkmmalaysia

18 SEPTEMBER 2023

**PROGRAM KHAS BERAS PUTIH TEMPATAN (BPT)**  
Pengedaran BPT ke peringkat peruncit di Kelantan

BERAS PELADANG  
BERAS NASIONAL SRZ

MALAYSIA MADANI  
www.kpkmm.gov.my @kpkmmalaysia

19 SEPTEMBER 2023

**PROGRAM KHAS BERAS PUTIH TEMPATAN (BPT)**  
Pengedaran BPT di Pusat Operasi FAMA Senawang

MALAYSIA MADANI  
www.kpkmm.gov.my @kpkmmalaysia

## SIDANG REDAKSI:

**PENAUNG:**  
DATUK LOKMAN HAKIM ALI  
KETUA SETIAUSAHA  
KEMENTERIAN PERTANIAN  
DAN KETERJAMINAN MAKANAN

**KETUA EDITOR:**  
MOHAMMAD  
EZRI BIN  
SHAMSUDDIN

**EDITOR:**  
MAHAZIR BIN  
YUSUFF  
NURIL  
MUTMAINNAH  
BINTI ROSLAN

**PENULIS:**  
SARI NOR  
AMRIYAH BINTI  
MUHAMMAD ISA

**GRAFIK:**  
NABILLAH  
BINTI  
ZAMRI

**JURU FOTO:**  
MOHAMAD  
YASIN BIN  
JAMAL  
MOHD NAJIB BIN  
ABDUL JABAR

**IDEA, KONSEP & TERBITAN:**  
UNIT KOMUNIKASI  
KORPORAT, KPKM